

Paris, 4 ~~februario~~ ^{martio} 1928

Caro Professore,

Me recipe vestro charta de 27.II.28. Me vive nunc in Paris et i ad meridie solo quando habe necessitate de quiete.

Meo addirectione officiale es prof. Doct. G. KOLOVRAT
5, avenue Pasteur
P A R I S

Vos roga an Sicre remane ut socio de Academia? Vae, me debe dic "non" nam meo optimo et erudito amico more in septembre 1927, ut me jam scribe ad Vos.

In suo tempore me etiam pete que Vos annuntia suo morte in API, cum parvo nota, sed, ut me vide, epistula non attinge Vos.

Cetero ~~ab~~ aestate 1927 me non recipe API.

Si Domino Sicre vive illo es uno ~~ex~~ socios maxime energico et utile.

Yamazaki (non "Yamazadi" ut impresso per errore), japano, es satis indifferente; me vol vide illo, post pauco die. Ross es in U.S.A. et tace.

Nunc me es multo occupato per vario labore relativo ad Societate de Linguistica de Paris. Heri me fac ibi communicatione de "Conditionale praeterito in Franco usuale" et emitte vario ideas personale.

Me saepe fac propaganda de Interlingua ad socios ~~de~~ S L P, sed sine magno successu nam ullos es sceptico

(Vendryès), ullos indifferente (Lacombe, bascologo) et ullos fautores de Esperanto (Th. Cart) aut Ido (Meillet et Marouzeau). Cum Marouzeau me plure vice discute quaestiones interlinguistico per telephono, nam nos ambo habe tale in nostro domicilio respectivo. Sed, etsi latinista per professione, illo non crede ad possibilitate de interlingua fundato super latino, nam illo dic que studio de latino es in decadentia in omne civitate. Prof. Marouzeau imprime in "Revue des Etudes Latines" (avril-juin 1927):

Enfin il faut bien signaler la publication de la revue "Schola et Vita", fondée en 1926^{x)} pour répandre la langue internationale appelée "interlingua", qui est essentiellement du latin sans flexions; dans le No. 3-4 de 1926, M.G. Kolovrat s'adresse aux latinistes pour les convaincre(?) "de utilitate de interlingua pro studio de latino classico". On a déjà reproché à l'esperanto et à l'ido d'être trop exclusivement "latins"; n'est-ce pas pour l'interlingua une cause de faiblesse que de l'être encore davantage?

x) Rédaction et administration: 12, via Washington, Milan.

Ante uno mense me mitte pretio de abbonamento ad "Schola et Vita". Quando tempore permitte me vol scribe articulo pro ~~204~~ et pro "Schola et Vita".

Me include hic meo ultimo inventione: regula ad calculo applicato ad tabula de multiplicatione et praesentato sub forma originale de centimetro. Illo habe uno solo scala de numeros dum regulas currente (etiam illo de Marquis de Viaris, que Vos pote cognosce) posside, ad minimo, duo.

ME VOL MITTE ILLO GRATIS AD OMNE SOCIO DE ACADEMIA QUE PETE ILLO AB ME.

Salutationes vordiale

K.

G. de Kolovrat